



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2025-yil 16-may

№ 9/1

Toshkent sh.

“Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijro holati, Davlat rahbari huzurida joriy yilning 17 va 27-mart hamda 9 va 18-aprel kunlari o‘tkazilgan yig‘ilishlarda berilgan topshiriqlar ijrosini belgilangan muddatlarda, to‘laqonli va sifatli ta‘minlash yuzasidan rahbar-xodimlarning shaxsiy mas‘uliyati va javobgarligini yanada kuchaytirish bilan bog‘liq chora-tadbirlar haqida.

Vazirlik hay‘ati qayd etadiki, Vazirlar Mahkamasining 2025-yil 15-maydagi 07/1-1462-sonli ko‘rsatmasiga muvofiq, “Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijro holati, Davlat rahbari huzurida joriy yilning 17 va 27-mart hamda 9 va 18-aprel kunlari o‘tkazilgan yig‘ilishlarda berilgan topshiriqlar ijrosi tahlil qilib chiqilgan.

Tahlil natijalariga ko‘ra, 16-may holatiga may oyida ijrosi ta‘minlanishi lozim bo‘lgan “Ijro.gov.uz” tizimidagi jami 58 ta O‘zbekiston Respublikasi Prezidenti topshiriqlaridan 33 tasi, ya‘ni 56,9 foizi hamda 21 ta Vazirlar Mahkamasi topshiriqlaridan 16 tasi, ya‘ni 76,2 foizining ijrosini ta‘minlangan.

Davlat rahbari huzurida joriy yilning 27-martdagi 16-sonli, 9 apreldagi 17-sonli va 18 apreldagi 18-sonli yig‘ilish bayonlari bilan vazirlikka jami 12 ta topshiriqlar (*11 tasining ijrosi may oyida va bittasi oktyabr oyida*) yuklatilgan bo‘lib, 16-may holatiga 7 tasi (*58,8 foiz*)ning ijrosi ta‘minlangan, qolganlarining ijro muddatlari bor bo‘lib, hozirgi kunga ijrosi ta‘minlanmagan topshiriqlar mavjud emas.

Joriy yilning 30-aprel kuni O‘zbekiston Respublikasi Bosh vazirining maslahatchisi R.Abduqodirov huzurida “Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlik va idoralarga yuklatilgan topshiriqlar ijrosi 2025-yil aprel oyi yakunlari tanqidiy ruhda muhokama qilinib, may oyida bajarilishi lozim bo‘lgan topshiriqlarning 40,0 foizini 10-mayga qadar, 60,0 foizini 15-mayga qadar, 80,0 foizini 20-mayga qadar hamda qolgan barcha topshiriqlar ijrosini 25-mayga qadar 100,0 foiz qilib ta‘minlash bo‘yicha tegishli ko‘rsatmalar berilgan.

Lekin, “Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijro holati har haftaning dushanba kunlari Vazir huzurida tanqidiy ruhda muhokama qilinib borilishiga qaramasdan, vazirlik markaziy apparatining ayrim boshqarma boshliqlari va bo‘lim boshliqlari hamda vazirlik tasarrufidagi respublika tashkilotlari rahbar-xodimlarining mas‘uliyatsizligi oqibatida ijro intizomiga rioya qilmaslik holatlari uchramoqda.

Topshiriqlarni ijro muddatidan barvaqt bajarish bo‘yicha imkoniyatlar mavjud bo‘lsa-da, Suv xo‘jaligida xorijiy investitsiya loyihalarini amalga oshirish markazi (S.Astanov), Suv xo‘jaligi loyihalarini amalga oshirish departamenti (N.Xo‘jaqulov), Transchegaraviy suv resurslarini boshqarish boshqarmasi (J.Abdurazzoqov) hamda Irrigatsiya tizimlari va yirik gidrotexnik inshootlardan foydalanish boshqarmasi (R.Toshev)da 3 tadan, Moliya-iqtisod masalalari boshqarmasi (Z.Azimov), Suv va gidrotexnik inshootlar kadastrini yuritish boshqarmasi (B.Minasipov) hamda Transchegaraviy suv resurslarini boshqarish boshqarmasi

(J.Abdurazzoqov)da 2 tadan, shuningdek, Davlat-xususiy sheriklik va outsorsing xizmatini rivojlantirish bo'limi (B.Xamroqulov), Byudjet tizimi byudjet mablag'larini raqamli texnologiyalar yordamida tahlil qilish bo'limi (U.Qo'chqorov), Nasos stansiyalaridan foydalanish boshqarmasi (O.Abdullayev)da bittadan O'zbekiston Respublikasi Prezidenti hujjatlari bilan vazirlikka yuklatilgan topshiriqlar ijrosiga to'liq darajada kirishilmagan.

Yuqoridagilardan kelib chiqib, Vazirlar Mahkamasining 2025-yil 15-maydagi 07/1-1462-sonli ko'rsatmasi ijrosini, "Ijro.gov.uz" tizimidagi O'zbekiston Respublikasi Prezidenti va Hukumatining hujjatlari bilan may oyida ijrosi ta'minlanishi lozim bo'lgan vazirlikka yuklatilgan topshiriqlar hamda Davlat rahbari huzurida joriy yilning 17 va 27-mart hamda 9 va 18-aprel kunlari o'tkazilgan yig'ilishlarda berilgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash bo'yicha boshqaruvning barcha darajadagi rahbar va mutaxassislarning shaxsiy mas'uliyati va javobgarligini kuchaytirish maqsadida hay'at yig'ilishi

Qaror qiladi:

1. Vazirlar Mahkamasining 2025-yil 15-maydagi 07/1-1462-sonli ko'rsatmasi ***rahbarlik va ijro uchun qabul qilinsin.***

2. Vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlari tomonidan "Ijro.gov.uz" tizimidagi O'zbekiston Respublikasi Prezidenti va Hukumatining hujjatlari bilan vazirlikka yuklatilgan may oyida ijrosi ta'minlanishi lozim bo'lgan topshiriqlar, Davlat rahbari huzurida joriy yilning 17 va 27-mart hamda 9 va 18-aprel kunlari o'tkazilgan yig'ilishlarda berilgan topshiriqlar ijrosini ta'minlash borasida amalga oshirilayotgan ishlar ***talab darajasida emas deb topilsin.***

Belgilab qo'yilsinki, "Ijro.gov.uz" tizimidagi O'zbekiston Respublikasi Prezidenti va Hukumatining topshiriqlarining ijrosini belgilangan muddatlarda to'liq va sifatli bajarilishi, shuningdek, ularning ijro holati to'g'risidagi ma'lumotlarning to'g'riligi va ishonchliligiga hamda "Ijro.gov.uz" tizimiga o'z vaqtida kiritilishiga Vazirning barcha o'rinbosarlari shaxsan mas'ul hisoblanadilar.

3. Vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga Vazirlar Mahkamasining "Ijro.gov.uz" tizimidagi O'zbekiston Respublikasi Prezidenti va Hukumatining hujjatlari bilan vazirlikka may oyida bajarilishi lozim bo'lgan topshiriqlarning 40,0 foizini 10-mayga qadar, 60,0 foizini 15-mayga qadar, 80,0 foizini 20-mayga qadar hamda qolgan barcha topshiriqlari ijrosini 25-mayga qadar 100,0 foiz qilib ta'minlash borasida amalga oshirilayotgan ishlar ***yeterli emasligi ko'rsatib o'tilsin.***

4. Vazirning birinchi o'rinbosari T.Butunbayev, Vazir o'rinbosarlari R.Qarshiyev, O'.Sheraliyev, Z.Ishpulatov, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga:

bir kun muddat ichida Vazirlar Mahkamasining 2025-yil 15-maydagi 07/1-1462-sonli ko'rsatmasi hamda mazkur hay'at qarorini har bir xodimga o'qib eshittirish, uning mazmun-mohiyatini yetkazish, ijro intizomiga rioya qilinmaganda, shuningdek, topshiriqlarning ijrosi belgilangan muddatlarda ta'minlamagan taqdirda intizomiy jazo chorasi muqarrarligi, O'zbekiston Respublikasi Suv xo'jaligi vazirligi huzuridagi Suv xo'jaligini rivojlantirish jamg'armasi mablag'lari hisobidan ajratiladigan mukofot va rag'batlantirish mablag'laridan chegirib qolinishi haqida rasman ogohlantirish orqali barcha darajadagi rahbar va xodimlarning shaxsiy mas'uliyati va javobgarligini kuchaytirish;

Davlat rahbari huzurida joriy yilning 17 va 27-mart hamda 9 va 18-aprel kunlari o'tkazilgan yig'ilishlarda berilgan topshiriqlarning muhimligini, ularni amalga oshirish muddatlarining qisqaligini inobatga olgan holda, belgilangan vazifalarni amalga oshirish

hamda tegishli vazirliklar, idoralar va barcha darajadagi hokimliklar bilan hamkorlikda ishni tashkil etgan holda hududiy dolzarb masalalarga taalluqli topshiriqlar ijrosini soʻzsiz taʼminlash;

“Ijro.gov.uz” tizimida 2025-yil may oyida nazoratda boʻlgan topshiriqlar ijrosini taʼminlash boʻyicha vazir oʻrinbosarlari kesimida 14-aprel kuni ishlab chiqilgan hamda joriy yil 30-aprel kuni qoʻshimcha va oʻzgartirishlar kiritilgan suv xoʻjaligi vaziri tomonidan tasdiqlangan *Kalendar reja*, “*Yoʻl xaritasi*”, ijrosini taʼminlash;

joriy yilning I-yarim yilligida vazirlik tomonidan ishlab chiqilishi lozim boʻlgan normativ-huquqiy hujjatlarga, dasturlar, takliflar va chora-tadbirlarga aniqlik kiritib ularning roʻyxatini shakllantirish, normativ-huquqiy hujjatlarni ishlab chiqishni kamida **45 kun oldin** boshlab, tegishli vazirlik va idoralar hamda vakolatli organlar bilan kelishilgan hamda Adliya vazirligining xulosasini olgan holda Vazirlar Mahkamasiga kiritilishini tashkil etish bilan bogʻliq chora-tadbirlarni amalga oshirish;

“Ijro.gov.uz” tizimidagi Oʻzbekiston Respublikasi Prezidenti va Hukumatining topshiriqlarini tahlil qilib, ushbu topshiriqlar ichidan mablagʻ talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bogʻliq masalalar boʻyicha birinchi navbatda shugʻullanib, ularni toʻlaqonli va sifatli taʼminlash bilan bogʻliq chora-tadbirlarni belgilash va amalga oshirish;

Oʻzbekiston Respublikasi Prezidentining 2021-yil 31-maydagi PQ-5132-sonli qarorining ijrosini tizimli ravishda tashkil etish, **joriy yilning may oyida** nazoratdan chiqarilishi lozim boʻlgan **1-kartotekaga qarashli 101 ta hamda 2-kartotekaga qarashli 33 ta topshiriqlar** ijrosi yuzasidan kunlik monitoring oʻrnatish hamda topshiriqlarni belgilangan muddatda, toʻlaqonli va sifatli qilib bajarish;

har bir berilgan koʻrsatma va topshiriqlarga asosan, ijro intizomi masalasiga yuqori masʼuliyat bilan yondashgan holda belgilangan topshiriqlar ijrosini oʻz vaqtida, toʻliq va sifatli taʼminlash boʻyicha ishlarni toʻgʻri rejalashtirish, topshiriq ijrosini amalga oshirish uchun eng kam mablagʻ, resurs va energiya sarflanishi zarurligini inobatga olish vazifalari yuklatilsin.

5. Vazir Kotibiyati mudiri S.Alimov hamda Tashkiliy-nazorat va tahlil boʻlimi boshligʻi M.Ibragimovlarga:

Suv xoʻjaligi vaziri Sh.Xamrayev tomonidan tasdiqlangan I va II-kartotekaga kiritilgan Oʻzbekiston Respublikasi Prezidenti va Hukumatining topshiriqlari roʻyxati, Kalendar reja hamda vazir oʻrinbosarlari kesimidagi “Yoʻl xarita”lar ijrosi yuzasidan **kunbay tizimida** tizimli va qatʼiy monitoring yuritish;

qonunchilik hujjatlari va topshiriqlar ijrosi boʻyicha “*Ijro.gov.uz*” tizimiga kiritilgan maʼlumotlar va tasdiqlovchi hujjatlarga asosan topshiriqlarni nazoratdan yechish yuzasidan Oʻzbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

Oʻzbekiston Respublikasi Prezidenti va Hukumati hujjatlarida belgilangan topshiriqlar ijrosini taʼminlash boʻyicha olib borilayotgan ishlarni muntazam ravishda (**har oy yakuni bilan**) tahlil qilib borish, ushbu hujjatlarning ijrosini taʼminlashga eʼtiborsizlik va masʼuliyatsizlik bilan yondashayotgan rahbar-xodimlarga nisbatan tegishli intizomiy jazo choralari qoʻllash yuzasidan Vazirlik rahbariyatiga asoslangan xulosa va takliflar (*intizomiy jazo chorasini qoʻllash yuzasidan buyruq loyihasi*) taqdim etish vazifalari topshirilsin.

6. Ushbu qaror topshiriqlarining ijrosini nazorat qilish vazirning birinchi oʻrinbosari (*ijro intizomi uchun masʼul*) T.Butunbayev zimmasiga yuklatilsin.

Hayʼat raisi

✍: M. Ibragimov
☎: (71) 202-47-07



Sh. Xamrayev